



Xafiiska Qaramada Midoobay u Qaabilsan Arrimaha Siyaasadda Soomaaliya (UNPOS)

WARSAXAAFADEED 011/2011

Ergeyga Gaarka ah ee Xoghayaha Guud ee Qaramada Midoobay oo u hambalyeeyay Ra'iisal Wasaaraha cusub

Nayroobi, 23 Juun 2011 – Ergeyga Gaarka ah ee Xoghayaha Guud ee Qaramada Midoobay ee Soomaaliya oo ah madaxa Xafiiska Qaramada Midoobay u Qaabilsan Arrimaha Siyaasadda Soomaaliya (UNPOS), Dd. Augustine P. Mahiga, ayaa ugu hambalyeeyay Md. Cabdiweli Maxamed Cali magacaabiddii loo magacaabay inuu noqdo Ra'iisal Wasaaraha cusub ee Soomaaliya. Wuxuu ku ammaanay Madaxweyne Shariif Sheekh Axmed sida uu ugu dhaqaaqay tallaabada magacaabidda Md. Cabdiweli waqtiga ku habbon wuxuuna ku ballanqaaday in Qaramada Midoobay ay taageero buuxda siin doonto lana shaqeyn doonto Ra'iisal Wasaaraha cusub.

Ergeyga Gaarka ah ee Xoghayaha Guud Mahiga wuxuu ku hanweynyahay in la magacaabo Golaha Wasiirada cusub iyo in Baarlamaanka Federaalka KMG uu ansaxiyo Ra'iisal Wasaaraha iyo Golaha Wasiiradaba. Wuxuu ku celiyay muhimadda ay leedahay in dhammaan dhinacyadu ay wada shaqeeyaan si loo hirgeliyo hawlaha mudnaanta leh ee ay ka midyihiin dhammeystirka dastuurka, dibuhabeeynta hay'adaha dowladda, sare u qaadidda amaanka iyo dhisidda hay'adaha amaanka qaranka, sii wadidda dibuheshiisiinta, sare u qaadidda isla xisaabtanka iyo dibuhabeeynta adeegyada maamulka iyo bulshada ee asaasiga ah si loo xaqiijiyo xasilloonida goobihii laga xoreeyay kooxaha hubaysan.

Hay'adaha Federaalka KMG iyo wakiillada Galmudug iyo Puntland ayaa diyaarinaya qorshe hawleed – iyagoo taageero ka helaya Midowga Afrika, IGAD iyo UNPOS – si loo hirgeliyo hawlaha ee loola jeedo dhammeystirka xilliga galaguurka ah. Qorshe hawleedka waxaa lagaga doonaa Kulan Wadatashi ah oo ay Soomali badan ee arrintu khuseyso isugu iman doonaan bisha soo socota.

Wixii war dheeraad ah fadlan kala xiriir: Susannah Price ama Donna Cusumano, saraakiisha qaabilsan isgaarsiintab guud, Xafiiska Qaramad Midoobay u Qaabilsan Arrimaha Siyaasadda Soomaaliya, Nairobi

Tel: +254 20 762 6805 / 6869 ama +254 733902020 ama 737400133

Fadlan eeg rugta Internet-ka (website):

www.unpos.unmission.org